

## **Uumasut illersorneqarnerat pillugu Landsting-p inatsisaata allangortinniqarnissaanut siunnersuummut oqaaseqaatit**

Oqaaseqaatit nalinginnaasut

### **1. Aallaqqaasiut**

Uumasut illersoneqarnerat pillugu inatsisip allangortinnissaanut siunnersuut manna Kalaallit nunaani uumasunik illersuinerup inuussutissalerinerullu nukittunerulernissaanik suliniummut tapertaavoq. Naalakkersuisut isumaqatigiissutaanni kissaatiginerqarpoq uumasut nakorsa qarfiat inuussutissanullu oqartussaaffeqarfik tamakkerlugu Danmark-iminngaanit tiguneqassasoq. Tigusiniarnermi pingaaruteqarpoq toqqammavissap ineriartortitassap patajaalluni atuuffimminut naleqquttuunissaa.

Uumasut illersorneqarnerat pillugu inatsit Kalaallit nunaani uumasunut tamanut atuuppoq. Tassani pineqarlutik angerlarsimaffimmi uumasuutit, qimuttut aammalu nunalerinermi uumasuutit. Uumasut illersorneqarnerat pillugu inatsisip pingaarnertut siunertaraa qularnaassallugu uumasut timikkut, pissutsimikkut peqqissutsimikkullu pitsaasumik akisussaafeqartumillu paarineqarnissaat. Siunertap matuma attattuarnissaa anguniarlugu iliuuseqarnikkut uumasuutitta pitsaasumik pineqarnissaat qularnaassavarput aammalu uumasut tunisassiassat peqqissut. Uumasut tunisassiassat peqqissut neqiginnerupput taamaalillutik aningaasatigut naleqarnerullutik. Qimuttut peqqissut nukissaqarluarnerusarput. Nunami maani uumasut pitsaanerpaamik nakkutigineqarneri inuiaqatigiinnut pitsaasumik sunniuteqassaaq.

Uumasut illersorneqarnerani aallussinermi pisariaqarpoq immikkut ittumik ilisimasalimmik paasisimasaqarluartumik peqarnissaaq. Uumasunut tunngasuni naliliiniarnerit taamatut ilisimasalinnik ingerlanneqartariaqarput. Taamaattumik siunnersuutigineqarpoq siunissami uumasut nakorsa qarfiat inuussutissanullu oqartussaaffeqarfik, Naalakkersuisut ataaniittoq, inatsisini piumasaqaatit naapertorlugit uumasut qanoq paarineqarnissaannik peqqussutitut. aalajangiisartuussasut. Matumani Naalakkersut naatsorsuutigaat pisariaqartitsineq naapertorlugu uumasut illersorneqarneranut tunngasut suliarineqassasut.

### **2. Siunnersuummi pingaarnerutit**

#### *2.1 Piginnaatitaaffiit Politiiniit Naalakkersuisunut nuunneqarnerat*

Uumasut illersorneqarnerata aallunneqarnera ukiuni kingullerni arlalinni annikitsuinnaasimavoq. Tamaatuma kingunerisinnaasaa ajornerpaaq tassaavoq unioqqutitsinerit iluarsineqannginnerat aammalu paaarsinerlunnernik nalunaaaruteqarnerit annikillinerat, tassami innuttaasut pisortanut unnerluussummik apuussigaluarlutik iluaqutaanngitsutut misigisimmata. Tamanna immineq akuerineqarsinnaanngilaq.

Taamaattumik siunnersuummi matumani pingaarnepaavoq uumasut illersorneqarneranni inatsimmi piginnaatitaaffiit maanna Politiinit isumagineqartut Naalakkersuisut ataanni Uumasut nakorsarfianut inuussutissanullu oqartussaaffeqarfimmut nuunneqassasut. Uumasut naakorsaqarfiat inuussutissanullu oqartussaaffeqarfik maannamut inuussutissaqarnermut aammalu uumasut napaataannut tuniluuttartunut inatsisiliorneq ingerlattareerpaa qimuttoqarnermi, qimmeqarnermi aammalu qitsuuteqarnermut inatsit ilanngullugu. Uumasut illersorneqarnerani inatsimmut piginnaatitsissutit assingusut atuutilernerini assigiiarnerusumik malitassaqaarnissaq qularnaarneqassaaq kiisalu uumasut nakorsaqarfiat inuussutissanullu oqartussaaffeqarfik uumasunik naalliutsitsinernut assigisaanullu iliuseqaarnissaminut periarfissaqalissalluni, uumasut tamaasa eqqarsaatigalugit, matumani kujataani nunalerinermi uumasuutit ilanngullugit. Uumasut nakorsaqarfiat inuussutissanullu oqartussaaffeqarfik uumasunut atugarititaasunut naliliinissamut piginnaasalimmik aamma peqarpoq.

## *2.2 Uumsut atoqatigineqarnerinut imaluunniit kinguaassiuutitigut iliuseqarfigineqarnerinut inerteqqut*

Siunnersuutigineqarpoq uumasunik atoqateqarneq maannakkut erseqqissumik inerteqqutaalissasoq. Inatsisit assingusut ilaatigut Norge-mi, Sverige-mi Danmark-imilu ilisimaneqarput. Svensk-t inerteqquteqarnerat djurskuddslagen-imi takuneqarsinnaavoq uumasunik atoqateqarnermut inerteqqummik imaqartoq. Inuiaqatigiinnut iluaqutaasumik iliuitsit soorlu nakorsaasersuinerit, uumasut anisuuinik katersinerit assigisaaluunniit inerteqqummi pineqanngillat. Norsk-t inerteqquteqarnerat uumasunik illersuinermi inatsimmi takuneqarsinnaavoq tassanilu uumasunik atoqateqarneq uumasunut kinguaassiuutitigut iliuseqarneq inerteqqutigineqarluni. Norsk-t inatsisaata oqaasertalernerani uumasut anisuuinik katersineq, naartutitsiniarneq aammalu kinguaassioortitsiniarnermi iliuitsit kinguaassiuutitigut eqqunngitsuliornerit nalilerneqanngillat. Dansk-t inerteqquteqarnerat uumasunik illersuinerimut inatsimmi allassimavoq taamatullu aamma uumasunik atoqateqarneq imaluunniit kinguaassiuutitigut eqqunngitsuliorneq unioqqutitsinertut allassimalluni. ilanngulluguttaaq nakorsaasersuinerit imaluunniit nappaatit uumasut akornanni tuniluuttut iliuseqarfigneri, uumasut nakorsaqarfianit ingerlanneqartut, unioqqutitsinerunngitsutut allassimallutik.

Danmark-imi tusagassiuutitigut uumasut atortittarfii aammalu Europa-miut takornariat tamakkuninnga atuinissamik siunertallit aallakaatitassiarineqarneri sivisungaatsiartumik politikikkut malinnaavigineqareerluni, Danmark-imi uumasunik atoqateqarnermik inerteqquteqarneq 2014-imi eqqunneqarpoq. Aatsaalli siullermeerluni uumasunik atoqateqarnerup inerteqqutigineqarnera Dansk-t inatsisaanni atortinneqanngilaq. Kong Christian tallimaata nalaani Dansk-t inatsisaanni 1623-imeersuni, inatsisit 6-ani. eqqunngitsuliornerit pillugit atuakkami atuarneqarsinnaavoq ”Omgængelse som er imod naturen” (6-13-15) ”Pinngortitaq akimorlugu iliuseqarneq” (6-13-15). Tassanili

aalajangersakkami uumasunik atoqateqarneq kisimi pineqanngilaq ilanngussimalluguli angutit suaiaaqatigiillutik atoqatigiinneranut tunngasoq. Aalajangesagaq iingerlateqqinneqarpoq § 177-imi, innuttaasut pineqaatissinneqartarnerat 10. Februar 1866-imeersoq ”Omgængelse mod Naturen” ”Pinngortitamik eqqunngitsumik atuineq”. Aalajangersagaq 1930-imi atorunnaarsinneqarpoq innuttaasut pineqaatissinneqartarnerisa inatsisaata nutarterneqarnerani tamatumalu kingorna immikkut erseqqissumik uumasunik atoqateqarneq Dansk-t inatsisaanni inerteqqutigineqanngilaq, taamaallaat allassimalluni uumasooq atoqatigiinnerup nalaani anniartinneqassanngitsoq aammalu aalajangersakkanut allanut uniuinngikkuni soorlu atisaqarani takussusaarnermut.

Uumasut illersorneqarnerat Kalaallit nunaata 1. Januar 1999.imi inatsisitigut tiguua qimmit uumasunillu illersuineq inatsisitigut Kalaallit nunaani atuuttussanngorlugu.

Uumasuuteqarnermi maleruaqqusat kingorna Landstingslov nr. 25, 18. November 2003-meersumi nutarterneqarpoq. Kalaallit nunaata uumasut illersornissaanut inatsisaani, dansk-isulli, uumasut imminut illersorsinnaasumik paarineqarnissaat aammalu anniarnissamut illersorneqrnissaat pillugit aalajangesagaqanngilaq. Tamanna taamaallaat sinertami aalajangersakkami allassimavoq taamaalilluni isumaqarpiarani. Inaatsimmi § 3 naapertorlugu piginnittoq uumasuutiminik paarsilluartussaavoq, timikkut peqqissuseq, pissusilersorneq aammalu peqissuunissamut pisariaqartitat eqqarsaatigalugit. Inuit uumasunut kinguaassiuutitigut pissusilersorneranut tunngatillugu annertuumik amigaateqarpoq. Siunnersuutip matuma tamanna matususissavaa.

Taamaattoq siunnersuutip matuma siunertaani aalajangersakkanik allanngortitsivoq pisussaaffittut ilusilerneqarluni, pineqaatissiisinnaaneq periaarfissanngorluni. Taamaattumik oqartoqarsinnaavoq uumasunik atoqateqarneq immikkut erseqqissumik inerteqqutaanissaa pisariaqanngitsoq uumasuutit anniaarnermut, atugarliornermut, ersinermut annertuumillu ajoquteqalernissamut illersorneqarnerat pissutigalugu. Inuup uumasumik atoqateqarnera uumasup anniaateqalerneranik assigisaanilluunniit kinguneqarpat aalajangesagaq manna kisiat naapertorlugu pineqaatissiisoqarsinnaavoq.

Naalakkersuisulli aamma isumaqarput anniarnarit toqqaannaq takussutissaqanngikkaluartut inerteqqummi ilanngunneqassasut. Naalakkersuisut pingaartippaat uumasut nammineq naaggaarsinnaannginnerat illersussallugu tassani inuup uumasullu naligiinngissusiat eqqarsaatigalugu. Naalakkersuisut isumaqarput inuup uumasumut kinguaassiuutitigut iliuuseqarnera uumasumut ataqqinninnerunngitsoq. Tamaatumunnga ilanngullugu uumasut immikkuullarissuunerat ataqqisariaqartoq uumasunik paarsinermi toqqammaviulluinarpoq. Tamatumunnga ilanngullugu uumasup immikkuullarissuunera taamatullu pinnguutsiminnik pissuseqarnera misigissuseqarneralu eqqarsaatigisariaqarput. Tamatumunnga ilanngullugu inerteqquteqalernerup pinaveersaartitsinermik kinguneqarnissaa naatsorsuutigineqarpoq. Inuup uumasumik atoqateqarnerata kingunerisaanik ilaatigut uumasup anniaateqarnera takujuminaassinnaavoq. Taamaalilluni erseqqissumik inatsiseqalernerup tamanna ajornartorsiut pinngitsoortissinnaavaa. Inatsimmi inerteqquteqalernerup qularnaassavaa

Kalaallit nunaani uumasunik atoqateqarnissamut periarfissaqannginnera soorlu Danmark-imi inarsiseqanngikkallarmat taamaassimasoq. Kalaallit nunaat uumasunik atoqateqartarfittut tusaamaaneqartariaqanngilaq

### *2.3 Akisussaaffiup annertusinera*

Siunnersuummi § 1-imi akisussaaffik annertusineqarpoq. Siusinnerusukkut uumasunut iliuuseqarnerup akisussaaffigineqarnera uumasumut akisussaasumiippoq. Siunnersuutigineqartut § 1-p aalangortinneratigut aalajangesakkat naapertorlugit kialluunniit uumasup paarilluarneqarnissaa akisussaaffigilerpaa. Aalajangesagaq ilaatigut danskit uumasunik illersuinermit inatsisaani § 1-imut assinguvoq.

### *2.4 Pineqaatissiinerit sakkortunerusut*

Siunnersuummi sukannernerusumik pineqaatissiisinnaaneq eqqunneqassaaq akiliisitsinerinnaq imaluunniit uumasuuteqarsinnaanermut piginnaatitaaffimmik arsaarinninnermut taamaallaat tunngasuunatik. Misilittakkat naapertorlugit anstalt-imut inissiineq akiliisitsinermit sunniuteqarnerusarpoq pingaartumik akiliutigitinneqartup annikinnera eqqarsaatigalugu. Uumasunik illersuinermit inatsisip unioqqutinneqarnerani ullumikkumut nalinginnaavoq akiliutigineqartartoq 500 DDK missiliorlugit annertussuseqartoq. Anstalt-imut inissinneqarsinnaanermik periarfissaqalernera kisiat eqqaarsaatigalugu naatsorsuutigineqarpoq pinaveersaartitsinermit kinguneqassasoq.

Maatuma avataatigut takusarparput uumasut illersorneqarneranni unioqqutitsinerit annertuut maani nunami sukannernerusumik pineqaatissinneqartussaagaluit.

### *2.5 Inissiineq tunniussinerlu*

Siunnersuutigineqarpoq uumasuutini inissiineq imaluunniit tuniniaaqinnermi allamut tunniussineq qitiusumik oqartussaasunit aalajangiivigineqarsinnaanera periarfissinneqassasoq. Periarfissap matuma assersuutigalugu savaateqarfinni peqqissunik uumasogarfiusuni atorneqarsinnaanera eqqarsaataavoq taamaalilluni annertuuliorpallaarani allanut ingerlatinnerisigut inuiaqatigiinnut iluaqutaaneri ingerlaannassagaluarmat.

Ilutigalugu allamut inissiineq pisimasup misissorneqarnerata aalajangiivigineqarneratalu tunganut pissutsit unioqqutitsinerusut ingerlaannarnissaannut illersuutaasaaq. Siusinnerusukkut takuneqartareerpoq innuttaasut ilaasa qimmitik toqutsiinnartaraat imaluunniit paarsinerlunnerup kingunerisaanik qimmit toquinnartarnerat aatsaallu nalunaarutigineqarneraniit ukiut 2-luk qaangiunnerisigut aalajangiivigineqartut. Tamatuma kingorna innuttaasooq uumasuuteqaqqusaajunnaarlugu aammalu uumasulereqqusaajunnaarlugu pineqaatissinneqarpoq, taamaattoq suliap ingerlanneqarnerata nalaani allanik qimusseqalersimalluni. Qimmit qimuttut pineqartut qanoq iluuseqarfigineqassappat? Maannakkut periarfissatuaavoq pisortanut qimmit toqorartinneri. Siunnersuummi matumani suliap ingerlanerani uumasuutit peerneqarsinnaalissapput kingornalu akisussaaffik allamut, inatsisit naapertorlugit paasisinnaasumut tunniunneqarluni.

Taamaattumik aallajangersakkap inuiaqatigiinnut kinguneqarluarnissaa ilimagisariaqarpoq pigisanik atuilluanninneq illuatungilerlugu.

<b>Siunnersuut inatsimmut atuuttumut sanilluullugu</b>	
<i>Oqaasertaliineq atuuttoq</i>	<i>Siunnersuut</i>
	<b>§ 1</b> Uumasut illersugaanerat pillugu Landstingslov nr. 25 18 December 2003-meersumut allannguutit:
<b>Kapitel 1</b> <i>Inatsisip siunertaa atuuffissaalu</i>	<b>1.</b> Kapitali 1 aamma 2-mi aalajangersakkat immikkoorneri atorunnaarpoq taamaalilluni kapitali 1 aamma 2 ataatsimuulerput. Kapitali 3-10, kapitali 2-9-ngorpoq.
<b>Kapitel 2</b> <i>uumasuuteqarneq</i>	
<b>Kapitel 1</b> <i>Inatsisip siunertaa atuuffialu</i>	<b>2.</b> Kapitali 1-p qulequtaa imatut oqaasertalerneqarpoq: ” <i>Uumasunik illersuinermi aalajangersakkat nalinginnaasut</i> ”
<b>§ 1.</b> Landstingslov-p siunertaraa uumasuutit paarilluarneqarnissaat aammalu sapinngisamik pitsaanerpamik anniarnermut, naalliunnermut,ersinermut, atavartumik ajoquteqalernermut ajoquserujussuarnnissamullu illersornissaat.	<b>3.</b> § 1 imatut oqaasertalerneqarpoq: “Uumasut akisussaassuseqartumik passunneqassapput aammalu sapinngisamik pisaanerpaamik anniarnermut, , naalliunnermut,ersinermut,atavartumik ajoquteqalernermut,ajoquserujussuarnnissamullu illersorneqarlutik.”
	<b>4.</b> § 3-p kingorna § 3a ivertinneqassaaq imatut oqaasertalerlugu: “Uumasut atoqatigineri imaluunniit kinguaassiuutitigut iliuuseqarfigineri inerteqqutaavoq, tamaattoq imm. 2 takuuk. Imm. 2. inerteqqummi nappaatinut tuniluuttunut nakorssaasersuinerit, kinguaassiortitsinerit, misileraanerit imaluunniit iliuitsit allat tmatumunnga attuumassuteqartut pineqanngillat.”
	<b>5.</b> § 22 imatut oqaasertalerneqarpoq: “Naalakkersuisut inatsisip atorneqarnera

<p><b>§ 22.</b> Inatsisip atorneqarner aammalu malittarisassa attuumassuteqartut Naaminersorlutik Oqartussanit nakkutigineqassaaq.</p> <p><i>Imm. 2.</i> Uumasut nakorsaata illersorneqarsinnaangitsumik uumasooq paarineqartoq paasiguniuk ingerlaannaq Politi-nut imaluunniit Kommunefoged-imut nalunaaruteqassaaq. Tamannali atuutinngilaq pisoq annertunngippat aammalu ingerlaannaq iluarsineqassalluni.</p>	<p>aammalu najoqqutassiat attuumassuteqartut nakkutigissavaat.</p> <p><i>imm. 2.</i> Uumasut nakorsaata, qimmeqarnermi oqartussaasoq imaluunniit kommunefogedi paaarsinerlunnermmik paasisaqaruni ingerlaannaq Umasut nakorsarfianut Inuussutissalerinermilu oqartussaaffeqarfimmut nalunaaruteqassaaq. Pisoq annertunngippat nalunaarani piaartumik aaqqinneqassaaq.</p> <p><i>Imm. 3.</i> Uumasut nakorsaata, qimmeqarnermi oqartussaasoq imaluunniit kommunefogedi uumasumik napparsimasumik passussisoq, uumasooq uumatiinnaraanni naalliunnassappat akisussaasumut uumasuutip toquinnarnissaanik kaammattuissaaq. Uumasooq toqunneqanngippat Uumasut nakorsaata, Qimmeqarnermi oqartussaataitaq imaluunniit Kommunefogedi Uumasut nakorsaqarfiat inuussutissanullu oqartussaaffeqarfik nalunaaruteqassaaq.</p> <p><i>Imm. 4.</i> Imm. 2 naapertorlugu uumasumut akisussaasoq itigartitsippat aammalu uumasooq naalliunnassappat, uumasut nakorsaata, qimmeqarnermi akisussaasoq imaluunniit Kommunefogedi ingerlaannaq toqutsisinnaapput periuseq § 23-mi naapertorlugu, takuuk §22, imm. 3, pkt. 2.”</p>
<p><b>§ 23.</b> Illersorneqarsinnaangitsumik uumasooq paarineqarpat Politiit piginnittumut uumasup isumagineqarnissamik piumasaqarsinnaapput.</p> <p><i>Imm. 2.</i> Uumasooq napparsimappat imaluunniit iluarsineqarsinnaangitsumik ajoqusersimappat Politiit toqutsinissamik peqqusisinaapput, uumasooq naalliunnassappat.</p> <p><i>Imm. 3.</i> § 6, nr. 4 naapertorlugu uumasooq nakkutigineqanngippat Politiit toqutsinissamik piumasaqarsinnaapput.</p> <p><i>Imm. 4.</i> Piumasqaatit allaganngorlugit</p>	<p><b>6.</b> § 23 imatut oqaasertalerneqarpoq: “Illersorneqarsinnaangitsumik uumasooq nakkutigineqarpat uumasut nakorsaqarfiat inuussutissanullu oqartussaaffeqarfik paaarsilluarnissamik piumasaqarsinnaavoq.</p> <p><i>Imm. 2.</i> Imm. 1 naapertorlugu iliuuseqartoqanngippat uumasut nakorsaqarfianit inuussutissanillu oqartussaaffeqarfiup uumasut paaarineqarnissaat isumagissavaa imaluunniit allamut nuullugit.</p> <p><i>Imm. 3.</i> Uumasut nakorsaqarfia inuussutissanullu oqartussaaffeqarfik piaartumik kingusinnerusukkulluunniit</p>

<p>tunniunneqassapput.  Taamaattoqannginnerani Politiit akuersissummik Namminersorlutik Oqartussanit pissarseqqaassapput. Aammattaaq piginnittoq oqaaseqarnissaminut periarfissinneqassaaq.  <i>Imm. 5.</i> Imm. 4 atunngitsoorneqarsinnaavoq uumasutip naalliunnini anigorsinnaappagu imaluunniit piginnittoq naapinneq ajornarpat.</p>	<p>pissutsit pisariaqartippassuk, uumasooq peqqissutsimigut ajunngippat, piginnittup paarsisinnaanera apeqquuserneqarpat, allamut nuussinissami aningaasartuutit akuerineqarsinnaappata, uumasup tunniunneqarnissaanik imaluunniit toqunneqarnissaanik aalajangersinnaavoq.  <i>Imm. 4.</i> Uumasooq napparsimappat imaluunniit katsorsarneqarsinnaanngitsumik ajoqusersimappat naalliunnarnissaa ilimagineqarluni, uumasut nakorsa qarfia inuussutissanullu oqartussaaffeqarfik toqutsinissamik aalajangersinnaavoq.  <i>Imm. 5.</i> § 6, nr. 4-mi piumasaaqatit naammassineqanngippata uumasut nakorsa qarfia inuussutissanullu oqartussaaffeqarfik toqutsinissamik piumasaqarsinnaavoq.  <i>Imm. 6.</i> Peqqusineq allakatiuussaaq. Piginnittoq oqaaseqarnissaminut periarfissaqassaaq.  <i>Imm. 7.</i> Imm. 6 qaangiinnarneqarsinnaavoq uumasooq annertuumik anniaateqanngippat imaluunniit piginnittoq naapinneq ajornarpat.”</p>
<p><b>§ 24.</b> § 23, imm. 2 naapertorlugu uumasooq naalliuinnassappat, uumasut nakorsaat imaluunniit Politiit ingerlaannaq toqutsisinnaapput.</p>	<p><b>7.</b> § 24 imatut oqaasertalerneqarpoq:  “Uumasut nakorsa qarfia inuussutissanullu oqartussaaffeqarfik piaartumik toqutsisinaavoq § 23, imm. 2 naapertorlugu ingerlaannartumik, uumasup naalliuinnarnissaa ilimagigaanni.  <i>Imm. 2.</i> Uumasut nakorsa qarfia inuussutissanullu oqartussaaffeqarfik periarfissaqanngikkuni uumasut nakorsaat qimmerqarnnermut oqartussaataitaq imaluunniit Politiit toqutsinissamik piumaffigisinnaavaat.”</p>
<p><b>§ 25.</b> § 23, imm. 2 aamma imm. 3 imaluunniit § 24 naapertorlugu toqutsineq piginnittumut taarsiissutigineqassanngilaq.  <i>Imm. 2.</i> § 3,imm.1 naapertorlugu peqqusineq malinneqanngippat Politiit</p>	<p><b>8.</b> § 25 imatut oqaasertalerneqarpoq:  “Uumasup naalliuinnarnissaa pinaveersaarniarlugu toqutsineq, piginnittumut taarsiinermik kinguneqassanngilaq, toqutsinerlu piginnittumit akilerneqassaaq.</p>

<p>toqutsineq ingerlassinnaavaat piginnittumut taarsiissutigineqanngitsumik.</p> <p><i>Imm. 3. § 23, imm. 1-3 naapertorlugu peqqusineq piginnittumit eqqartuussivimmut suliasanngortinneqarsinnaavoq. Taamatut kissaateqarneq ullut 14-t qaangiutsinnagit Politiinut saqqummiunneqassaaq. Eqqartuussivimmut tunniussineq kinguartiterinermik kinguneqassanngilaq.</i></p>	<p><i>Imm. 2. Uumasunik allamut inissiineq aammalu tuniniaaqinneq, § 23, imm. 3 naapertorlugu piginnittumut taarsiissuteqarnermmik kinguneqassanngilaq. Nuussinermi aningaasartuutit piginnittumit akilerneqassapput</i></p> <p><i>Imm. 3. § 23, 1-5 naapertorlugu peqqusineq piginnittumit eqqartuussivimmut suliasanngortinneqarsinnaavoq. Nalunaaruteqarnermiit ullut 14-t qaangiutsinnagit uumasunik nakorsaqaarfik inuussutissanullu oqartussaaffeqarmmut saqqummiunneqassaaq. Tunniussineq kinguartiterinermik kinguneqassanngilaq.”</i></p>
<p><b>§ 26.</b> Pisariaqartutut nalilerneqarpat Politiit ilisarnaateqarlutik akuersissummik peqanngikkaluarlutik uumasuutinut isersinnaatitaapput. Politiit pisariaqarpat immikkut ilisimasalimmik ilaqarsinnaapput.</p>	<p><b>9.</b> § 26 imatut oqaasertalerneqarpoq: “Pisariaqartutut nalilerneqarpat uumasunut nakorsaqaarfik inuussutissanullu oqartussaaffeqarfik qaqugukkulluunniit akuersissummik peqanngikkaluarlunni uumasuutit inatsisit malillugit paarineqarnersut aammalu peqqussutit attuumassuteqartut malinneqarnersut misissuisinnaapput.”</p>
<p><b>§ 27.</b> Akiliisitsisoqarsinnaavoq:</p> <p>1) §§ 3-5, § 7, § 8, imm. 1, § 9, aamma § 11, imm. 1-mi aalajangersakkat nalinginnaasut unioqqutinneqarpata,</p> <p>2) § 13, imm. 1, §§ 14 aamma 15 toqutsinermut, pilaanermut assigisaanullu tunngatillugu sumiginnarneqarpata,</p> <p>3) § 17, 1. pkt., § 18 aamma § 20 –milu misissuisitsinermi tuniniaanermilu aalajangersakkat unioqqutinneqarpata,</p> <p>4) Akuersissummi piomasaaqatit § 8, stk. 2, § 11, stk. 2, aamma § 17, 2. pkt.,-lu naapertorlugit sumiginnarneqarpata,</p> <p>5) § 22, imm. 2 malillugu nalunaaruteqartoqanngippat,</p> <p>6) § 23, imm. 1, 2 aamma 3 nalunaaruteqarneq malillugu peqqussutit malinneqanngippata.</p> <p><i>Imm. 2. Inatsisartut inatsisaannut attuumassuteqartumik najoqqutassiat</i></p>	<p><b>10.</b> § 27 imatut oqaasertalerneqarpoq: “Akiliisitsisoqassaaq:</p> <p>1) § 1, §§ 3-5, § 7, § 8, imm. 1, § 9 aamma § 11, imm. 1-lu aalajangersakkat nalinginnaasut unioqqutinneqarpata,</p> <p>2) § 13, stk. 1, §§ 14 aamma 15 –mi toqutsinermut aammalu pilaanermut assigisaanullu tunngatillugu aalajangersakkat sumiginnarneqarpata,</p> <p>3) § 17, 1. pkt., § 18 aamma § 20 –lu misissuisitsinermi tuniniaanermilu aalajangersakkat unioqqutinneqarpata,</p> <p>4) § 8, imm. 2, § 11, imm. 2, og § 17, 2. pkt.,-lu naapertorlugit akuersissummi piomasaaqatit sumiginnarneqarpata,</p> <p>5) § 22, stk. 2, naapertolugu nalunaarutiginninnginnermi imaluunniit</p> <p>6) § 23, stk. 1-5 naapertorlugu peqqusineq naammassineqanngippat.</p> <p><i>Imm. 2. Inatsisartut inatsisasannut</i></p>



<p>suliarineqartut aakiliisitsinermi aalajangersakkanik malittarisassiuunneqarsinnaapput. <i>Stk. 3.</i> §§ 3-5, § 7, § 8, imm. 1, § 9, § 11, imm. 1, § 13, imm. 1, § 14, § 15, § 17, 1. pkt., § 18 aamma § 20 annertuumik arlaleriarluniluunniit unioqqutinneqarnerini imaluunniit najoqqutassiat inatsit naapertorlugu suliarineqartut unioqqutinneqarpata uumasuuteqarsinnaajunnaanermik imaluunniit uumasulereqqusaajunnaanermik pineqaatissiisoqarsinnaavoq. <i>Imm. 4.</i> Uumasuuteqaqqusaajunnaarnermik uumasulereqqusaajunnaarnermilluunniit pineqaatissiineq, takuuk imm. 3, naassaanngitsumik imaluunniit ukiumik 1-mik sivilissusilimmik pisinnaavoq. Taamatut unioqqutitsineq akiliisitsinermik kinguneqarsinnaavoq. <i>Imm. 5.</i> Unioqqutitsinerit aktie, anpart, andelselskabinit assigisaaluunniit ingerlanneqartut, piginneqatigiiffimmut akiliisitsissutigineqarsinnaapput. Naalagaaffik, Namminersorlutik Oqartussat, kommuni, imaluunniit kommunimi piginneqatigiiffik unioqqutitsippat naalagaaffik, Namminersorlutik Oqartussat, kommuni imaluunniit kommuunimimi piginneqatigiiffik akiliisinneqarsinnaavoq.</p>	<p>attuumassuteqartumik najoqqutassiat suliarineqartut akiliisitsinermi aalajangersakkanik malittarisassiuunneqarsinnaapput. <i>Imm. 3.</i> § 1, §§ 3-5, § 7, § 8, imm. 1, § 9, § 11, stk. 1, § 13, stk. 1, § 14, § 15, § 17, 1. pkt., § 18 aamma § 20 annertuummik arlalaeriarluniluunniit unioqqutinneqarnerini imaluunniit najoqqutassiat inatsit naapertorlugu suliarineqartut unioqqutinneqarpata uumasuuteqarsinnaajunnaarnermik imaluunniit uumasulereqqusaajunnaanermik kiisalu ukioq 1-seq anstalt-imiittusssanngorlugu pineqaatissiisoqassaaq. <i>Imm. 4.</i> Uumasuuteqaqqusaajunnaarnermik uumasulereqqusaajunnaarnermilluunniit pineqaatissiineq, takuuk imm. 3, naassaanngitsumik imaluunniit sivilinnerpaamik ukiumik 1-mik sivilutigisumik pisinnaavoq. Taamatut unioqqutitsineq akiliisitsinermik imaluunniit ukioq 1-seq anstalt-imiititsinermik kinguneqarsinnaavoq. <i>Imm. 5.</i> Unioqqutitsinerit aktie,anpart,andelselskab assigisaanilluunniit ingerlanneqartut piginneqatigiiffimmut akiliisitsissutigineqarsinnaapput. Naalagaaffik, Namminersorlutik Oqartussat, kommuuni imaluunniit kommuunimi piginneqatigiiffik akiliisinneqarsinnaavoq. <i>Imm. 6.</i> Inatsit manna aammalu inatsimmut tunngatillugu najoqqutassiat unioqqutinnerani akiligassiissutit, §23, imm. 3 naapertorlugu tuniniaaqqinnermi isertitat Landskasse-mut nakkartinneqassapput.”</p>
	<p><b>11.</b> Inatsimmi tamarmi ”Landsstyret” : ”Naalakkersuisut”-nik, aammalu ”Landstingsloven” : ”Inatsisartut inatsisaat”-nut allanngortinneqassapput.</p>
	<p style="text-align: center;"><b>§ 2</b> Inatsisartut inatsisaat atuutilissaaq</p>

### 3. Pisortatigoortumik allaffissornikkut aningaasatigullu kingnerisassai

Siunnersuummi naatsorsuutigineqarpoq Naalakkersuisut ataanni qitigusumik uumasut nakorsaqarnerat inuussutissanullu oqartussaaffeqarfik annertunerusumik pisussaaffeqarlerumaartoq. Uumasut nakorsaqarnerat inuussutissanullu oqartussaaffik ullumikkut Kalaallit nunaanni Uumasunut nakorsaqarfimmi inuussutissalerinermilu oqartussaaffeqarfimmiippoq, maannakkut Aalisarnermut Piniarnermullu Naalakkersuisoqarfiup ataani inissisimalluni. Uumasut nakorsaqarfiat inuussutissalerinermilu oqartussaaffeqarfik uumasut illersorneqarnerannut tunngatillugu ullumikkut pisussaaffeqareerpoq aammalu inuussutissalerinermi oqartussaaffeqarfimmut tunngatillugu malittarisassani pisussaaffeqarluni tassunga ilanngullugit Inatsisartut inatsisaani qimuttut, qimmeqarneq qitsuuteqarnerlu aammalu uumasut napaataat tuniluuttut akiorniarneqarnerani Inatsisartut inatsisaat assigisaalu, nerisassalerineq pillugu Inatsisartut peqqussutaat kiisalu allaffissornermi najoqqutassianut tunngasuni pisussaaffeqarluni. Taamaalilluni uumasut nakorsaqarneq inuussutissanullu oqartussaaffik nutaajunggilaq immikkoortoq taamaattorli suliassaareersunik annertusaanerulluni.

Tamatumali pisussaaffeqarnerulerneq allanngortinngilaa pisariaqartilerlluguli uumasunut nakorsaqarnermut inuussutissalerinermilu oqartussaaffeqarfimmut sakkussatigut ikorfartorneqarnissaq suliassat naammaginatsumik naammassineqassappata. Inatsisip pisussaaffiliineranik naammassinninniarneq aammalu annertunerusumik sakkussaliineq ataqatigiilluinnarput siunnersuullu naleqaarnavianggilaq sualiap annertusineratigut uumasut nakorsaqarfiat inuussutissanullu oqartussaaffeqarfik suliassamik kivitsisinnaanissaminut sakkussinneqanngikkuni.

Ullumikkut uumasut nakorsaqarfiat inuussutissalerinermilu pisortaarfik suliassanik ingerlatsiniarnermini ilungersoreeqaaq. Oqartussaaffeqarfik 7-nik sulisoqarpoq ataatsimik ittoqarluni. Uumasut nakorsaqarfiat inuussutissalerinermilu oqartussaaffeqarfik Kalaallit nunaat tamakkerlugu sullissisussaavoq. Matumani qimuttut aammalu kujataani uumasuutit nakkutigineqarneri ilanngullugit.. Uumasut nakorsaqarfiat inuussutissalerinermilu oqartussaaffeqarfik sulisinnaasunik atorfinitsittinissamik pisariaqartitseqaaq pisariaqartitsinerlu annertusissalluni manna siunnersuut akuerineqarpat. Ilanngulluguttaaq uumasut nakorsaqarfiata inuussutissanullu oqartussaaffeqarfiup uumasunik illersuineq pingaarnertut suliassaraa taamaattumillu siunnersuummi suliassat eqqartorneqartut oqartussaaffeqarfiup sillimmartaarfigisariaqarpai

Sakkussat pisariaqartitat eqqunneqarpata oqartussaaffeqarfimmi sulineq nukittorsarneqassaaq. Oqartussaasunit nakkutilliinerit amerlanerusut ingerlanneqarsinnaallissapput suliassat allat

kinguarsarnagit taamaalilluni ullutsinnut naleqqunnerusumik inuiaqatigiinnut sullissisinnaalluni.

Naatsorsuutigineqarpoq uumasut nakorssaqarfiat inuussutissalerinermilu oqartussaaffeqarfik sulisunik 2-nik pisariaqartitsilerumaartoq suliassanut nutaanut kivitsisussamik aammalu suliassaareersunik ingerlatsisussanik. Suliassat kingunerissavaat allaffissornerulerneq taamaattumillu atorfinitsittinerup aappaa jurist-imut atortariaqarpoq. Maannakkut oqartussaaffeqarfik inatsisilerituumik atorfeqartitsinngilaq naak oqartussaaffeqarfimmi malittarisassat assigiinngitsorpassuit suliassaagaluartut. Suliassat annertusinerisa akulikinnerusumik nakkutilliineq pisariaqalersissavaat taamaattumillu atorfinittussap aappaa uumasunut nakorsaasariaqarpoq pissutsinik naliliisinnaasoq.

#### **4. inuussutissarsiornermi allaffissornikkut aningaasatigullu kingunerisassai**

Siunnersuutip inuussutissarsiornermut sunniuteqarnissaa naatsorsuutigineqanngilaq.

#### **5. Avatangiisnut, pinngortitamut inuillu peqqissusiannut kingunerisassai**

Siunnersuut innuttaasut peqqinnerulernerannik kinguneqassasoq naatsorsuutigineqarpoq uumasuutit peqqinnerulernerisa kingunerisaanik neqi tunisassiarineqartoq pitsaanerusoq pissarsiarineqassammat.

#### **6. Innuuttaasunut kingunerisassai**

Siunnersuutip uumasut nakorsaqaqarnerat inuussutissanullu oqartussaaffeqarneq suliassai erseqqinnerulissapput aammalu innuttaasunut paasinarnulerluni taamaalilluni toqqissisimanermik kinguneqarnissaa naatsorsuutigineqarsinnaalluni.

#### **7. Kingunerisinnaasai annertuut allat**

Siunnersuut allanik annertuumik kinguneqarnissaa naatsorsuutigineqanngilaq.

#### **8. Pisortanut , Kattuffinnut assigisaanullu tusarniaanerit**

Pisortaqarfiit uku piffissami xx.xx –miit xx.xx.-mut siunnersuummik pisimapput.

...

Ilanngullugu siunnersuut Naalakkersuisut qupperneranni saqqummiunneqarpoq.

Tusarniaaernerup naanerani uku akissuteqarsimapput:

...

## Oqaaseqaatit immikkut ittut

### § 1

*Nr. 1 aamma nr. 2*

Aalajangersakkat kapitali 1-mi 2-milu immikkoorneri atorunnaarpoq taamaalilluni kapitalit taakku marluk ataatsimuulerlutik. Kapitalip nutaap qulequtaa imaalerpoq ”Uumasut illersorneqarnerat pillugu aalajangersakkat nalinginnaasut” aammalu kinguliini kapitalit tamarmik siuartinneqarput taamaalilluni kapitali 3-10 matuma kingorna kapitali 2-9-ngorluni.

*Nr. 3*

Inatsiseqarnermi ministeeriaqarfimmi ataatsimiititaliap siunnersuutaa isumaliutissiissut nr. 1151/1988 oqaasertai naapertorlugit § 1 oqaasertalerneqarpoq.

§ 1-p aammalu § 3-p ilusaata, uumasup qanoq paarineqarnissaa aalajangerpaa. Uumasut paarineqarneranni aalajangersakkat allat, uumasut illersorneqarnissaannut inatsimmi ilanngunneqarput aammalu allaffissornermi periusissat § 1-itut aammalu § 3-tut isigineqassapput.

§ 1-mi aalajangesagaq ilaatigut uummasup illersorsinnaasumik paarineqarnissaanik piunasaqarpoq, ilaatigut sapinngisamik pitsaanerpaamik uumasooq anniarnermut, atugarliornermut, ersinermut katsorsarneqarsinnaanngitsumik ajoquteqalernermut aammalu annertuumik ajoquteqalernissamut illersorneqarnissaa piunasaqarluni.

Anniarnermik, atugarliornermik ersinermillu oqaasertaliinerit, timikkut, taarnikkut allaniillu sunnerneqarnermut tunngassuteqarput. Katsorsarneqarsinnaanngitsumik ajoquteqalernermik oqaasertaliineq illersuineri anniarnermik ilaqarpoq. Uani eqqarsaatigineqarpoq uumasup ataavartumik ajoquteqalersinnaanera. Aalajangersagaq naapertorlugu uumasup suliarinerani ataavartumik ajoquserpat pineqaatissiissutaasinnaavoq naak suliarineqarnermini anniannikkaluartoq. Kiisalu uumasooq sapinngisamik pitsaanerpaamik katsorsarneqarsinnaanngitsumik ajoquteqalernissaanut illersorneqassasoq. Ajoqusernerup annertunissaanik piunasaqaat nalunaaqutsiineri aammalu aaviinerit aalajangersakkami ilanngunneqanngillat.

Oqaasertaliineq ”sapinngisamik” tamatigut uumasumut annersitsinnginnissaq ajornarsinnaasarmat. Taamaattoq aalajangersagaq naapertorlugu ajoqusiineq pinngitsoorneqarsinnaasimappat tamatigut pineqaatissiissutaasinnaavoq.

§ 1 naapertorlugu inerteqquutaavoq:

- uumasut atortumik sakkogarluni persuttarnissaat anniartillugit,
- uumasut meqquisa killornagit uutarnissaat imaluunniit kumaajarniarlugit,
- hestit nungullaassimasut tunisassiarinagit assigisaanilluunniit allamat tunniunneqarneri,
- sivikinnerusumik sivisunerusumilluunniit uumasooq anersaartinnaveersaassallugu imaluunniit perorsaanermt atatillugu sakkortuumik pissusilersorfigissallugu.

Siuliani tulleriiaarineq tamakkiisutut isigineqassanngilaq taamaattoq pissutsinut aalajangersakkami ilanngunneqarsinnaasunut tikkuussisuulluni.

Pinerluttulerinermi inatsisip aalajangersagaani takuneqarsinnaavoq inuk alla imminut ikiorsinnaanngitsoq ilaginnaraanni imaluunniit inuk akisussaaffigisaq imminut ikiorsinnaanngitsoq qimaannaraanni pineqartissiineq. Uumasunut tunnngatillugu § 1-mi taamatut pisoqarsinnaanera pineqarpoq. Aporsinermi piunasaqaataanngilaq aporsisoq unilluni uumasumik ikiuissasoq. Taamaattumik ikiortissarsiorneq naammappoq. Tamatigit pisoq aallaavigalugu akisussaaffik nalilerneqartariaqarpoq. Ajornangippat aporsisoq, uumasumik pissaasoq imaluunniit uumasumik ajoqusiisoq ikiuiniartariaqarpoq allatullu ajornarpat uumasooq naalliuinnassappat piaartumik toqullugu.

§ 1 aamma atuuppoq assersuutigalugu uumasooq nujuitsoq piniarnermt imaluunniit piniarluni sungiusarnermt atorneqarpat. Assersuutigalugu savaatilik imaluunniit tuttuutilik takornariat imaluunniit allat soqutiginnittut akiliisillugit savaatiminik tuttuutiminilluunniit piniartitsigunni. § 1 naapertorlugu pissutsit taama ittut erseqqissumik unioqqutitsinerupput.

*Nr. 4*

§ 3a, imm. 1-imi siunnersuutigineqartutut aalajangersagaq uumasumik atoqateqarnermt imaluunniit kinguaassiuutitigit iliuuseqarnermt inerteqqutaavoq uumasooq tamatuma pinerani ajoqusersimannikkaluarpalluunniit.

Aalajangersakkami kikkut tamarmik pineqarput uumasumut piginnittoq kisimi pineqarani.

Aalajangersakkami inuup kajungerisani naammassiniarlugu uumasumut kinguaassiuutitigit iliuusai qanorluunniit ittut pineqarput. Pissusilersorneq kajungerisamik anguniagaqarnermi kinguaassiuutilerinertut isikkoqassaaq. Taamaattoq naliliiniarnermi iliuuseqartup naammatsissimanera naammatsissimanninneraluunniit apeqqutaanngilaq.

Kinguaassiuutileraluni pissusilersornermi pineqarpoq inuup kinguaassiuutiminik uumasup kinguaassiuutaanut imaluunniit timaanut atuuanninnera. Inerteqqummi erseqqissumik pineqarpoq uumasut atsuanut itianulluunniit usuup mangunnera imaluunniit atortumik mangussineq. Ilanngullugu matumani pinerqarpoq uumasup utsuusa inuup utsuunut itianulluunniit mangussineq. Kinguaassiuutitigit inuup uumasunut iliuuseqarnerani inuup uumasut kinguaassiuutaannik imaluunniit uumasup inuup kinguaassiuutaanik aluttuina aamma

pineqarpoq. Kiisalu assersuutigalugu assaat, timimi pisattat allat imaluunniit atortoqarluni uumasup kinguaassiutaanik sunniinarneq aammalu uumasooq inuup kinguaassiutaanut inerteqqummi ilanngunneqarput.

Siuliini eqqartorneqartut saniatigut iliuuserineqartut allat § 3a, imm. 2 naapertorlugu siunnersuummut taamaattoq ilanngunneqanngillat. Pineqarput nakorsaasersuinerit imaluunniit uumasut nappaataat tuniluuttartut pineqarpata ilanngullugit, kinguaassiuutitigut nappaateqarnermik misissuinerit, anisuunik katersinerit naartutitsiniarnerillu imaluunniit kinguaassioortitsiniarnermi malitassat imaluunniit iliuitsit pisariaqartut allat soorlu uumasunik misileraanerit, malittarisassat periutsillu misileraanermi malinneqarpata imaluunniit uumasunik naartusinnaajunnaartitsinermi. Uani pineqarpoq suliffeqarfik inuiaqatigiinni iluaqutaasooq soorlu uumasunik piginnittup suliffeqarfimmi ingerlanniarnani pisariaqartitaa nakkutigineqartumik ilisimasalinnillu ingerlanneqartoq. § 3, imm.1-imi siunnersuutaavoq iliuitsit taamaattut inerteqqummi ilanngunneqassanngitsut. § 3, imm.1-imi inerteqqutigineqartuni misissuinerit ilitersuutissatut filmiliarineqarsinnaaneri assilinqarsinnaaneriluunniit ilanngunneqanngillat. Taamatullu passussinerit pisariallit soorlu nappaatinik akiuiniarluni uumasut kinguaassiutaanik passussinerit inerteqqummi ilanngunneqanngillat.

Siunnersuummi uumasunik atoqateqarneq aammalu kinguaassiuutitigut iliuseqartoq kisimi pineqanngilaq aammali allat atoqateqarnermi iluuseqarnermiluunniit peqataasut pineqarput.

Pinerluttulerinermi inatsimmi § 13 kinguaassiuutitigut iliuseqartut, kajumissaaarisut peqataasimasulluunniit tamarmik pineqarput. § 3a, imm. 1-imi unioqquutitsinernut peqataagaanni soorlu uumasunik kinguaassiuutitigut takutitsigaanni isiginnaartoqarluni inuk uumasunik atoqateqartillugu inatsit atorneqarsinnaavoq uumasooq akiliilluni akiliinaniluunniit atorsimagaanni. § 3, imm. 1-imi unioqquutitseqataavoq uumasunik atortittarfiutiup arlalinnik inunnik atorneqartartunik inunmut ataasiakkaanut arlalinnilluunniit neqeroortigisaanik atueqataasooq. Aammattaaq uumasut atoqatiginerinik filmiliat assilisalluunniit inummit ataatsimit arlalinnilluunniit suliarineqartut § 3a, imm. 1-imi ilanngunneqarsinnaapput. Taamaattumut peqataaneq tassaasinnaavoq filmiliornermi assiliinermiluunniit ikiuineq tassunga ilanngullugit assiliissummik aqutsineq imaluunniit qullilersuinerimut peqataaneq.

*Nr. 5*

Aalajangersakkap uumasut nakorsaat aammalu immikkut ilisimasallit sakkortunerusumik nalunaartussaattippai. Siunnersuutigineqartutut allannguinermi uumasut nakorsaqaarfianut inuussutissalerinermilu oqartussaaffeqarfimmut qitiusumik Naalakkersuisut ataani inissimasumut siunissami nalunaaruteqarneq pissaaq. Pisoq annertunngippat soorlu uumasut imissaqanngippata, nerisassaqanngippata, ingerlaannaq imertinneqarpata imaluunniit qimmit pituutai ilassimasut iluarsineqarpata nalunaaruteqarnissaq pisariaqanngilaq.

Nalunaaruteqanngitsoorneq pineqaatissiissutaasinnaavoq siunnersuummi takuuk § 27, imm.1 nr. 5

Pissutsit taama ittut nalunaarutiginnissaannut taamaallat uumasut nakakorsaat, qimmeqarnermi oqartussaaitaq aammalu kommuneqarnermi pisussaavoq. Taamatut nalunaartussaaitaanermik killiliineq pisussamisoorpoq ilisimasallit pineqartut suliareriigaat uumasunik illersuinerit eqqarsaatigalugit pingaartumik qimuttoqarfinni. Ingasappallaassaaq allat taamatut pisussaatickaanni.

Aalajangersakkami ilisimasallit taperserseqarnissaat siunertaavoq uumasut paarinerlunneqarnerannik paasisaqarnerminni nalunaarniarnerminni uumasunik piginnittoq pillugu nangaassuteqarsinnaammat.

Nalunaartussaaitaaneq pinngitsoorani pisussatut aalajangerneqanngilaq. Akornutit annikitsut iluarseriaannaat nalunaarutiginnissaat pisariaqanngilaq.

Uumasooq toquttariaqalerluni ajoquserpat nalunaartussaaitaasup uumasunut akisussaasooq toqutsinissamik kaammattussavaa piaartumik imaluunniit piffissap sivikitsup iluanni. Piffissaliussami uumasooq toqunneqanngippat nalunaartussaaitaasooq uumasut nakorsaqarfianut inuussutissalerinermilu oqartussaaffeqarfimmut nalunaarutigissavaa. Kingorna § 23-mi periuseq malinneqassaaq.

§ 22, imm.2 naapertorlugu peqqussuteqarnerup kingorna uumasooq naalliinnassappat nalunaartussaaitaasooq imm. 3 naapertorlugu ingerlaannaq toqutsinnaavoq. Uumasut illersorneqarneranni aalajangesakkat naapertorlugit toqutsineq pissaaq kiisalu siunnersuummi uani aalajangersakkat malinneqarlutik.

*Nr. 6*

Imm. 1.

Aalajangersakkap inuussutissalerinermi oqartussaaffeqarfik Naalakkersuisut ataaniittoq uumasunut akisussasumut paarsilluarnissamik peeqqussinnaatilerpaa. Peqqusineq assersuutigalugu uumasut nerisinneqarnissaannik, imertinneqarnissaannik, passunneqarnissaannik nappaatinut iliuuseqarfiginnissaannik imaluunniit toqutsinissamik imaqarsinnaavoq, takuuk imm. 4. Peqqusinermi aamma uumasup atorineqanngikkallarnissaa, soorlu hestip qaammatini 4-ni atorineqannginnissaa imaluunniit qimuttup qimunnissamut sukkaniunermulluunniit atorineqannginnissaannik imaqarsinnaavoq uumasup peqqissutsimigut piariaqartippagu. Tullerriiaarineq tamakkiisuunngilaq taamaattoq uumasut nakorsaqarfiata inuussutissanullu oqartussaaffeqarfiup iliuuserisinnaasaatut isigineqassalluni.

§ 22, imm. 2 naapertorlugu nalinginnaasumik nalunaaruteqartussaaitaasup uumasut nakorsaqarfiat inuussutissanullu oqartussaaffeqarfik paarsinerlunneqarneranik ilisimatittussavaa. Taamaattoq kinaluunniit uumasut nakorsaqarfianut

inuussutissalerinermilu oqartussaasunut nalunaarsinnaavoq soorlu aamma uumasut nakorsa qarfiat inuussutissalerinermilu oqartussaaffeqarfik pissutsinik qaqtisisinnaasoq.

Imm. 2

Imm. 1 imaluunniit imm. 4 naapertorlugu peqqussut malinneqanngippat uumasunik nakorsarfik inuussutissanullu oqartussaaffeqarfik uumasunik nakkutiginnisnaavoq allamut inissiineq matumani ilanngullugu. Kalaallit nunaani pissutsit eqqarsaatigalugit allamut nuussineq periarfissaqartuaannangilaq. Periarfissaqarpalli aammalu pissutsit ajornartinnigippassuk uumasut nakorsa qarfiat inuussutissanullu oqartussaaffeqarfik allamut nuussinissamik aalajangersinnaavoq soorlu sanilerisamut imaluunniit sanilerisap uumasuusivianut imaluunniit periarfissaqarpat kommuniq oqartussaaffeqarfianut. Tamatigut nalilersuilluartariaqarpoq uumasooq qitiutillugu tamatumunnga ilanngullugit uumasup assartorneqarnerani aporfiusinnaasut, aningaasartuutit aammalu nuussinermi siunertaq. Nalilersuineq uumasup toquinnarnissaanik kinguneqarsinnaavoq uumasup angallanneqarnermini toqqissiveeriunnissaa naatsorsuutigigaanni aammalu piginnittumit paarineqarnissaa illersorneqarsinnaanngitsutut nalilerneqarpat, takuuk imm. 3.

Qaqugukket uumasut nakorsa qarfiat inuussutissanullu oqartussaaffeqarfik akulerutissanersooq piffissalernerneqanngilaq. Pisoq aallaavigallugu nalilersuineq qanoq siviutigissanersooq apeqqutaavoq. Maleruagassat siunertaraat piaartumik iliuuseqarsinnaaneq. Ilaatigut peqqusinerup kinguninngua iliuuseqartoqarsinnaavoq uumasunut akisussaasoq iliuuseqarniannigippat. Nalinginnaasumik akisussaasumut peqqussuteqarnermi iliuuseqarnissamut piffissaq sivikitsuutinniarneqassaaq

Imm. 3

Aalajangersagaq imm. 2-mut sanilliunneqassaaq.

Uumasut nakorsa qarfiat inuussutissanullu oqartussaaffeqarfik piaartummik imaluunniit kingusinnerusukket aalajangiisnaavoq uumasooq tunineqassasoq imaluunniit toqunneqassasoq tamanna pisariaqarpat. Takussutissaqarpat piginnittoq parseqqissinnaanngitsooq uumasut nakorsa qarfiat inuussutissanullu oqartussaaffeqarfik uumasup tunineqarnissaanik aalajangersinnaavoq. Aalajangersagaq atorneqarsinnaavoq assersuutigalugu savaatillip savaatini qimappagit imaluunniit uumasuutiminik paarsinerluppat. Uumasuutit ajoquteqanngippata aammalu allamut tunniunnissaanut periarfissaqarpat uumasut nakorsa qarfiat inuussutissanullu oqartussaaffeqarfik uumasuutininik tuniniaasnaavoq.

Imm. 3 annertungaatsiartumik periuseqarnertut isigineqassaaq taamaammallu immikkorluinnaq pisuni aatsaat atorneqarsinnaalluni. Immikkorluinnaq pisut aalajangersakkami atorneqarput takuuk ”ummasut qanoq paarineqarnerat”, ”piginnittoq parseqqissinnaanersooq” aammalu ”uumasup allamut nuunneqarnerani aningaasartuutit”. Tulleriiarineq tamakkiisuunngilaq suulli nalilersuutaasinnaanerinin takutitsisuulluni.



Aalajangesagaq manna malillugu toqutsinissamik aalajangerneq peqqusisoqanngikkaluarpalluunniit. Imaattoqarsinnaavoq uumasup allamut inissinnissaa iluamillu paarineqarnissaa ajornakusoortoq. Tamatumani siuliini eqqartorneqartut atorineqartariaqarput.

Allamut nuussinermi aningaasartuutit piginnittumit akilerneqarsinnaapput § 25, imm. 2, 1 pkt. malillugu. Inissinneq toqutsinerlu piginnittumut taaarsiissutaanngitsumik ingerlanneqassaaq, § 25, imm. 1, 1.pkt.malillugu. piginnittup akiliisinneqarnissaa pissutsinik erseqqissunik tunngaveqarluni nalilerneqassaaq pisup qanoq annertutigenera oqimaalutaaqataalluni. Nuussinermi aningaasartuutit piginnittumit akilerneqanngippata uumasut nakorsa qarfiarit inuussutissanullu oqartussaaffeqarfimmit akilerneqassapput imaluunniit uumasut piginnittumiiginnarnissaat illersorneqarsinnaanngippat toqutsiinnarnissaaq aalajangiunneqarluni.

Imm. 4

Aalajangersagaq imm. 1-imut sanilliunneqassaaq.

Uumasut nakorsa qarfiarit inuussutissanullu oqartussaaffeqarfik toqutsinissamut piunnaasaammik nalunaaruteqarsinnaavoq uumasooq naalluinnassappat. Piginnittoq imaluunniit akisussaasoq pisussaavoq peqqusummik naamassinnissalluni. Peqqusineq piaartumik pisussatut nalunaarutigineqassaaq imaluunniit piffissaliilluni. Piffissaliinerup siviussusaa siviissusariaqanngilaq. Piffissaliineq qanoq siviissutigissanersoq naliliinermi aalajangerneqassaaq taamaattoq aalajangersakkat atuuffii eqqarsaatigalugit akunnialuinnarnik imaluunniit ulloq taanna peqqusummik naamassinninnissaaq naarsorsuutigineqassaaq.

Imm. 5

Aalajangersagaq imm. 1-imut sanilliunneqassaaq.

§ 6, nr. 4-mi aalajangersakkat unioqqutinneqarpata uumasunik nakorsa qarfiarit inuussutissanullu oqartussaaffeqarfik uumasup toqunneqarnissaanik nalunaaruteqarsinnaavoq. Aalajangersakkat matumunnnga attuumassuteqartut erseqqinnerusut ilaatigut Namminersorlutik oqartussat ilisimatitsissutaani uumasut ilaasa paarinnissannut inerteqqummi tulleriinneri takuneqarsinnaapput.

Imm. 6

Aalajangersagaq peqquneqarnermi piunnaasaqatinik naamassineqarsimasussanik ima qarpoq. Peqquneqarneq aalajangersagaq naapertorlugu allakkatigut nalunaarutigineqassaaq illuatungerisarlugu oqaaseqarnissaminut periarfissinneqassaaq. Peqquteqarnerup suliarineqarnera suliat ingerlanneqarnerini inatsimmi aalajangersakkat ilaatigut tunngavilersuinermit attuumassuteqartut malinneqassapput.

Peqqusinerup allakkatigut nalunaarutigineqartussaanerata uumasunik nakorsa qarfiarit inuussutissanullu pisorta qarfiup peqqusinerup massakut naamassineeqarnissaanik peqqusisinaanera akornusinngilaa. Assersuutigalugu uumasut nakorsa qarfiarit inuussutissanullu oqarussaaffeqarfik piffimmi peqqussusiorsinnaavoq illuatungerisamiillu

oqaaseqaammik pissarsilluni taamaalereerunilu ingerlaannaq peqqussuteqarluni soorlu aamma peqqussutip ingerlaannavik kinguarsarneqarani malinneqarnissaanik peqqussuteqarsinnaasoq.

Imm. 7

Allakkaatigoortitsinissamik malittarisassat aammalu oqaaseqaammi assigisaanilu pissutsit pisariaqartippassuk imm. 6-imi piumasagaataasut atunngitsoorneqarsinnaapput. Tamanna pisinnaavoq assersuutigalugu uumasooq anniaannaqqunagu toqutsinissaq kinguartissinnaanngippat, uumasumut akisussaasup oqaaseqaataa utaqqillugu imaluunniit akisussaasoq naapinneq ajornarpat. Aalajangersagaq allatut ajornartuni atugassatut isigineqassaaq sapinngisamik pitsaanerpaamik uumasut anniarnermut assigisaanullu illersorneqarnissaannut siunnersuummi § 1 naapertolugu qulakkeerinnittoq.

*Nr. 7*

Imm. 1

Imm. 4 malilugu toqutsinnsamut peqqussut kinguarsaataassappat imaluunniit uumasooq naaliuinnassappat uumasut nakorsaqaqrfiat inuussutissalerinermilu oqartussaaffeqarfik ingerlaannaq aalajangersakkami toqutsisinnaavoq.

Imm. 2

Uumasut nakorsaqaqrfiat inuussutissalerinermilu oqartussaaffeqarfik Kalaallit nunaata illoqarfii nunaqarfiilu tamaasa najunngilai aammalu kalaallit nunaanni angalaneq ilaatigut sivisusinnaasarpoq sila timmisartullu angalanerat peqqutaalluni. Taamaattumik siunnersuutigineqarpoq uumasunik nakorsaqaqrfik inuussutissanullu oqartussaaffeqarfik sineriami allaffeqarfinnik suleqateqarsinaassasoq uumasunik toqutsinermik ingerlatsisinnaasumik uumasunik nakorsaqaqrfik inuussutissanullu oqartussaaffeqarfik pisinnaanngippat. Toqutsineq piginnittumut taarsiissutaassanngilaq akilerneqarlunili, taamaattoq piffinni allaffeqarfinnut aningaasartuutit uumasut nakorsaqaqrfiata inuussutissanullu oqartussaaffeqarfiup aningaasartuutigissavai kingorna akisussaasumut akilersillugit.

*Nr. 8*

Imm. 1

Aalajangersakkat pisariaqanngitsumik uumasup naalliunneranut tunngasut naapertorlugit akisussaasumut taarsiissutaanngitsumik uumasooq toqunneqassaaq. Maannakkullu piginnittumit toqutsineq aningaasartuutaasussaavoq. Aalajangersagaq annetusineqarpoq sineriami aammalu qitiusumik aqutsiveqarfimmit aningaasartuutit matussuserniarlugit. Pissusissamisoornersoq eqqarsaatigigaanni akisussaasoq taannaasariaqarpoq inatsisinik unioqquutitsinermi aningaasartuutinik akiliisussaqaq. Tamannalu atuuppoq pisoq nalunngikkaanni ilisimannikkaluaraanniluunniit. Inuussutissarsiortutut arlalinnik uumasuuteqarniaraanni naatsorsuutigisariaqarpoq paarsinermi ilisimasassat akisussaasumit ilisimaneqartut.

Taamaallaat aningaasartuutit kisimik akilerneqarnissaat piumasagaataavoq.

## Imm. 2

Inssiineq aammalu tuniniaaqinneq piginnittumut taarsiissutaannginnissaa aalajangersakkamiippoq. Tamanna imm. 1-imi atuuttut naapertorlugit pissaaq. Inatsimmik unioqqutitsisup inatsimmik unioqqutitsinera taarserneqassanngilaq. Tamatuma saniatigut allamut nuussineq piginnittumit aningaasartuutaassasoq aalajangerneqarpoq.

Nuussinermi aningaasartuutit, piffimmi pissutsit aammalu uumasuutit qanoq amerlatiginersut apequtaallutik annertusinnaapput. Taamaattumik naliliiniarnermi aningaasartuutit ajoqusernerullu annertussusaa naliliutigineqassapput. Aalajangersakkattaaq nuussinermi pisortat aningaasartuutaasa matussusernissaat qulakkiissavaa

## Imm. 3

Peqquneqartoq nalunaarummik tiguisoq eqqartuussivimmuq suliaassanngortitsiniarpat aalajangersakkami periuseq malinneqassaaq. Tamanna pissappat uumasut nakorsa qarfiat inuussutissanullu oqartussaaffeqarfik ullut 14-t qaangiutsinnagit pineqartumut aalajangiinerup inerneranik nalunaaarutteqassaaq. Ilanngullugu aalajangerneqarpoq suliaassanngortitsineq kinguarsaataassanngitsoq aammalu peqqusineq suliap naammassinissaata tungaanut atuutissasoq.

## Nr. 9

Aalajangersakkami uumasut nakorsa qarfiat inuussutissanullu oqartussaaffeqarfik Naalakkersuisut ataaniittoq, sulisut ilanngullugit, piginnaatinneqarpoq eqqartuussivimmuq akuersissummik pissarseqqaarani, taamaattoq kinaassutsiminik uppersaateqarluni uumasuuteqarfimmuq isersinnaasoq. Pisariaqartutut nalilerneqarpat aalajangersagaq atorineqassaaq aammalu atsikkutigiissaaraluni atorineqassalluni. Tamatuma kingorna inatsimmi aalajangersakkat malinneqarneri qulakkeerniarlugu aalajangersagaq atorineqassaaq imaluunniit allaffissornermi malittarisassat inatsimmuq attuumassuteqartut malinneqassallutik. Aalajangersakkami uumasunut nakorsa qarfik inuussutissalerinermilu oqartussaaffeqarfik uumasuuteqarfimmuq sumulluunniit isersinnaasoq piginnaatinneqarpoq, ataatsimik amerlasuunilluunniit uumasuuteqarfimmuq. Nunaateqarnermi uumasuutinut, uumasuutinut sulinermi atortunut aammalu uumasuutinut qanitanut aalajangersagaq atuuppoq. Uumasut nakorsa qarfiat inuussutissanullu oqartussaaffeqarfik pisariaqarfiatigut Politiinut kiortissarsiorsinnaavoq.

Amerlanertigut ilimagisariaqarpoq uumasut nakorsa qarfiat inuussutissanullu oqartussaaffeqarfik uumasuuteqarfimmuq isersinnaasoq tamanna uumasut nakorsa qarfiat inuussutissanullu oqartussaaffeqarfimmit piumaneqarpat. Ilaatigut uumasuuteqarfimmuq isersinnaaneq ajornakusdoorsinnaasarpoq piginnittoq akuersaanngikkaangat imaluunniit suleqataajumannikkaangat. Eqqartuussivimmuq akuersissummik pissarsiniaqqaarneq suliaassamut kinguarsaataasinnaavoq taamaalilluni pinngitsoorneqarsinnaagaluumik uumasuq naalliutsillugu.

Inuussutissanut tunngatillugu Naalakkersuisut peqqussutaanni uumasut nakorsa qarfiat inuussutissanullu oqartussaaffeqarfimmut piginnaatitsinermit aalajangersagaq assinguvoq, qimuttut pillugit Inatsisartut inatsisaanut aammalu qimmiuteqarnermut qitsuuteqarnermullu kiisalu uumasut nappaataat tuniluuttut assigisaalu pillugit Inatsisartut inatsisaannut assingulluni.

Siunertatut aalajangiussat eqqarsaatigalugit aalajangiussaq atorneqasaaq. Uumasut illersornerqarnerini pisariaqarsorineqarpat aalajangersagaq atorneqasaaq. Inatsimmi § 1 aamma 3 siunertanut pisussaafinnullu pisariaqarfiaq ilanngunneqarsinnaapput.

*Nr. 10*

Inatsimmi unioqqutitsinerit assigisaanullu pineqaatissiinerit aalajangersarneqarput

Assersuutigalugu nunalerinermit piniartuunermilu arsaarinnissuteqarneq pineqaatissinneqartumut sakkortuumik kinguneqarsinaammat arsaarinnissuteqarneq taamaallaat pisinnaavoq ilimagineqarpat unioqqutitseqqinnissaq piumaarteq.

Soorlu imm. 4-mi allassimasoq uumasuteqaqqusaajunnaarneq imaluunniit uumasulereqqusaajunnaarneq akiliisitsinermit kinguneqarsinnaavoq. Naatsorsuutigineqarpoq matumani akiliisitsinerit annertussusaat annerungaatsiarumaarteq § 27, imm. 1 aamma 2 naapertorlugu akiliisitsinermit.

Ilanngullugu anstalt-imut inissiisinnaaneq pineqaatissiinermit periarfissaqalerpoq. Taamatut pineqaatissiineq sukangasuutut iliuuseqarnertut isigisariaqarpoq taamaattumillu aatsaat annertuumik ajoqusiinermi imaluunniit unioqqutitsinerit arlallit pinerini taamaallaat atorneqarsinnaalluni. Anstalt-imut inissiineq § 3a-mi unioqqutitsinermit atorneqarsinnaanera naatsorsuutigineqarpoq unioqqutitsinerit taamaattut annertuutut isigisariaqarmata. Tamatuma saniatigut anstalt-imut inissiineq inissinneqartumut peerorsaataasinnaavoq taamaalilluni siunissami unioqqutitsinerit pinaveersaarneqarsinnaallutik.

*Nr. 11*

Siunnersuutigineqarpoq siunnersuummi taaguutit atorneqartut naleqqussarneqassasut “Naalakkersuisut” aammalu “Inatsisartut inatsisaat” eqqunnerisigut.

## § 2

Siunnersuutigineqarpoq Inatsisartut inatsisaat ulloq 1. Juli 2018 atuutilissasoq.